

INUIT ATAQATIGIIT

Inatsisartuni



Aasiaat 12. juli 2017

Inatsisartut suleriaasianni § 37, imm. 1 naapertorlugu matumuuna Naalakkersuisunut imaatumik apeqquteqaateqarpunga.

Apeqqutit:

- 1. Film.gl suleqatigalugu filmiliortartut sullisivissaattut (filmværksted) KNR-toqqamiittoq ini blackbox-mik aamma taaneqartup pilersinniarneqarnera sumut killippa?**
- 2. Film.gl-ip blackbox-ip tiginissaanut pilersaarutit imalunniit isummat allanngorsimaneramik?**
- 3. Suna imaluunniit suut akornutaappat / aporfiuppat suli ullumikkumut tikilugu pilersinneqarsimanninneranut?**
- 4. Akornutaasut/aporfiusut qaangerniarlugit naalakkersuisut suliniuteqarpat?**
 - a. Aap-iuppat taava qaqugu naatsersuutigisinnnaavarput akornutaasut aaqinneqareersimanissaat?**
- 5. Akornutaasut/aporfiusut qaangerneqassappata tamanna aningaasatigut qanoq kinguneqassappat? Suut aningaasartuutaassappat? Aningaasatigut kinguneqassappata naalakkersuisut piareersimappat aningaasaliissuteqassallutik?**
- 6. Film.gl-kkormiut blackbox-imut qaqugu isertersinnaalissappat?**
- 7. Naalakkersuisut film.gl-kkormiut sullivittut atorsinnaasannik inimik allamik piukkussaqaarnerlutik?**
 - a. Aap-iuppat taava sunaava aamma sumiippa?**
 - b. Pilersinneqassappat aningaasatigut kingunissai suuppat?**
 - c. Aningaasartuutissat aningaasaliissutigineqarnissaat piareersimaffigineqarpat?**
- 8. Filmiliornermik sullivik ulluinnarni aqutsisoqassaaq (dagligleder) aamma teknikkikkut akisussaasoqassalluni (teknisk ansvarlig). Naalakkersuisut pilersaaruteqarpat film.gl-imiit atorfilittassat taakku marluk 2018-miit aningaasaliiffigissallugit?**

(Inatsisartuni ilaasortat Peter Olsen, Inuit Ataqatigiit)

Tungavilersuut:

Siornali 2016-mi kulturimut ilinniartitaanermut ilisimatusarnermut ilageeqarnermullu ataatsimiisitaliaq peqatigalugu film.gl-imeersut aamma kulturimut ilinniartitaanermut ilisimatusarnermut ilageeqarnermullu naalakkersuisoq ataatsimoorluta ataatsimeeqatigini-kuuvagut blackbox pillugu. Tamatta isumaqatigiippugut aamma tapersorsorparput blackbox film.gl-kkormiunut tunniunneqarnissaata suliniutigineqalernissaa.

Ukioq ataaseq qaangiutereersimalerpoq ajoraluartumik film.gl-kkormiut suli blackbox-imut isertersimannigillat. Tamanna uggorparpoq ajuusaarnarlunilu.

Taamaattumik paaserusunnarsilerpoq suna pissutaanersoq film.gl-kkormiut blackbox-imut isertersimanninnerannut. Isumaq allanngorsimanerpa? Pilersaarutit allanngorsimanerpat?

Taamatut tunngavilersuuteqarlunga matumuuna apeqquteqaatiga ingerlateqqippara.
Qinnutigissavara apeqqutigisakka ullut suliffeqarfiusut 10-t iluanni akileqarumaartut.